

Ab exacta PP. Benedictinorum editione, Rev. Godefridus Beselius, monasterii Gottwicensis in Germania abbas, geminas Augustini epistolas in codicibus MSS. invenit, quas præfatione adornatas edidit Vindobonæ 1732, quasque Jacobus Martin, Maurinus, cum nova præfatione, monitisque ac adnotationibus, Parisiis vulgavit 1734. Gravis profecto momenti est hujuscemodi adiumentum; sed, ne priorum editionum ordo miscatur, utraininge epistolam non numero notantes peculiari, numero quicunque sequuntur voculam *Bis præliximus*, ut videre est post epist. cxxxiv et ccii.

M.

PRÆFATIO REVERENDISSIMI GODEFRIDI BESELII,

MONASTERII GOTTWICENSESIS ABBATIS,

EDITIONI VIENNENSI PRÆFIXA.

AD EPUDITUM LECTOREM

In *prædictas Epistolas.*

I. Animas hominum e nihilo a Deo creari, ac singulas singulis hominibus infundi, hodie certissima sententia et catholica veritas est, de qua nulli orthodoxo dubitare impune licet. Enimvero de hac magni momenti quæstione sub initium saeculi quinti non idem omnes catholicæ Ecclesiae doctores sentiebant, id quod quanquam ex pluriculis magni Aurelii Augustini operibus liquet, que hac super controversia ad diversos exaravit. Celebriora ex his sunt Libri quatuor de anima et ejus origine scripti sub finem anni Christi 419, quorum primus est ad Renatum monachum, alter ad Petrum presbyterum, reliqui duo ad Vincentium Victorem, qui tot scribendorum libellorum Augustino ansam et occasionem præbuerat. Rem ipsius Augustini verbis damus, qui libro II Retractionum, cap. 56, hæc habet: *Eodem tempore quidam Vincensius Victor in Mauritania Cæsariensi invenit apud Hispanum quendam presbyterum Petrum, nonnullum opusculum meum, ubi quodam loco de origine animæ hominum singulorum, utrum ex illa una primi hominis, ac deinde ex parentibus propagentur; an sicut illi unum, sine ulla propagatione singulos singulisdentur, me nescire confessus sum: veramnamen scire animam non corpus esse, sed spiritum. Et contra ista mea ad eundem Petrum scripsit ille duos libros, quos mihi de Cæsarea Renatus monachus misit. Quibus ego lectis, responsione mea qualiter reddidi, unum ad Renatum monachum, et duos ad eundem Victorem. Sed ad Petrum, quauris habeat libri prolixitatem, tamen epistola est, quam nolui a tribus cæteris separari. In tis autem omnibus, in quibus multa necessaria dissenserunt, defendi de origine animarum que singulis hominibus dantur, cunctationem meam, et multis errores, atque pravitates præsumptiones ejus ostendi. Hoc Augustinus de suis quatuor libris de Animæ et ejus Origine.*

II. Verum nou intra hos tantum libros serius editos ac evulgatos constitut perquisitus Augustini, quin etiam ad eruditissimum Hieronymum insignem dedit librum de Origine animæ hominis, in quo varias reeptions de ortu animæ sententias, cupit doceri quæ potissimum conjectanda sit, et qua ratione adversus impium Pelagianorum dogma defendi possit ea, quam ille (Hieronymus) in quodam epistola suam esse indicavit, singulas scilicet animas novas nascentibus fieri. Scriptum hunc librum anno 415, verno tempore, censem eruditissimi nostri Benedictini e Congregatione S. Mauri, in nova, eaque politissima candissimaque editione Operum S. Augustini t. II., Epist. 166. De hoc libro ita ipse Augustinus lib. II Retract., cap. 45, disserit: *Scripsi etiam duos libros ad Hieronymum presbyterum sedentem in Bethleemi; unum de Origine animæ hominis, alterum de sententia Jacobi apostoli, ubi ait: Quicumque totam legem servaverit, offendat autem in uno, factus est omnium rens» (Jacobi II, 10); de utroque consulens eum: Sed in illo priore quæstionem, quam proposui, ipse non solvi: in posteriore autem, quid mihi de illa solvenda videretur, ipse non tacui; sed utrum hoc approbarer etiam ille, consulvi. Tum subdit Augustinus, quid ad hanc consultationem suam Hieronymus responderit, quæque consecuta sint:*

Rescripsit autem, inquit modestissimus Doctor, laudans eandem consultationem meam, sibi tamen ad respondendum otium non esse, respondit. Ego vero, quo usque esset in corpore, hos libros edere nolui, ne forte responderet aliquando, et cum ipsa responsione ejus potius ederentur. Illo autem defuncto ad hoc edidi priorem; ut qui legit, admoneatur aut non querere omnino quomodo detur anima nascentibus, aut certe de re obscurissima eam solutionem quæstionis hujus admittere, quæ contraria non sit apertissimis ribus quas de originali peccato fides catholica novit in parvulis, nisi regeneretur in Christo, sine dubitatione dominandis: posteriorer vero ad hoc, ut quæstionis, de qua ibi agitur, etiam quæ nobis visa est, solutio ipsa noscatur.

III. Porro cum episcopus Optatus de hoc eodem delicto ac spinoso arguento ad Renatum supralandatum Casaream Mauritaniam litteras dedisset, et creationem singularium animarum acriter defendisset, eodem Renato et quodam Muresse potentibus, idem S. Augustinus amplius ad Optatum epistolam rescripsit a medio anno 418, in qua p̄m more suo acute ac perspicue Optato demonstrat, quid de animæ origine certum sit et exploratum, quid jure in dubium vocetur, satagendumque esse in hac controversia, ut salva sit in primis fides, qua Ecclesia catholica credit, nullum hominem ex Adamo nasci, nisi vinculo damnationis obstrictum, neminemque inde liberari, nisi renascendo per Christum. Significat eidem præterea, se ad Hieronymum de hac questione non brevem librum scripsisse: *Consulens, inquit, eum, et petens ut prius me doceat, et tunc ad me mittat quos doceam. Qui liber meus, pergit Augustinus, ut non doctoris, sed inquisitoris et potius discere cupientis, apud me legi potest: mitti vero uspiam non debet, vel cuiquam foras dari, nisi cum rescripta, Domino adjuvante, percepero; id quod ille sentit, promptissime ac libertissime defensurus, si me docere potuerit quomodo animæ non ex Adam veniant, et tamen ex illo justam sortem damnationis inventiant, nisi ad remissionem peccatorum renascendo perveniant. Absit enim ut credamus, vel animas parvulorum in lavacro regenerationis falsam accipere peccatorum mundationem, vel Deum esse, aut aliquam naturam quam non condidit Deus, illius, ex qua mandantur, iniquitatis auctorem. Donec ergo aut ille rescribat, aut ego, si Deus voluerit, aliquo modo discam, si nullam de illa peccatrice originem ducit, quæ causa sit animæ subeundi originale peccatum, quod necesse est esse in omnibus parvulis; et quo eam nec Deus cogit insontem, quia peccandi auctor non est, nec ulla mali natura, quia non est, nihil tale audeo prædicare. Concludit Epistolam suam Augustinus his verbis: Hæc sicut potuit, non quidem ad me datis, sed tamen ad charissimos nostros Sanctitatis tuae litteris, non perititia quam desiderasti, sed sollicita dilectione respondi, etc.*

IV. Hæc cum ab Augustino accepisset Optatus, biennii inducas iniit, nec Augustino gravissimis aliis scriptoribus obruto molestior esse voluit. Verum cum intra illud temporis spatium, Hieronymi ad Augustini de animæ origine consultationem responsum advenisse haudquaquam dubitaret, atque adeo Augustinum eo loco jam esse crederebat, ut certam ferre sententiam super controversa quæstione posset, tandem alterata ad eundem epistolam perscripsit. Perit quidem ea

Optati epistola, sed ejus argumentum ex ipsius Augustini responsione nullo peggio cognoscimus. Itaque ex hac aperte constat primo, non tantum de isto consultationis libro, deque Hieronymi ad eum responso; sed etiam patet, Optatum ejus rei quam Augustinus ab Hieronymo quæsivit, inventionem avidissime cupuisse. Secundo, Optatum graviter apud Augustinum suisse conquestum de nescio quo senibus et a doctis sacerdotibus institutis viris, quos ad sue modicitatis intelligentiam assertionemque veritatem plenissimam (id est sententiam de singularum animalium creatione) revocare non potuerit; itaque se novellum rudemque doctorem, tantorum ac talium episcoporum traditiones tenuisse corrumpere, et convertere homines in meliorem partem ob defunctionum injuriam formidasse. Tertio, Optatum ejusque sequaces in eo precepitum suum Achillem collocasse, quod, nisi singula hominum animæ crearentur, Deus dici non posset fecisse homines, et facere et facturus esse, neque aliquid esse in celis aut in terra, quod non ipso constituerit et constet auctore; atque inde sequi, traducis et propaginis patronos negare esse opus Dei animas nostras. Quarto, opinionem illam de propagatione animalium per traducem, Optato visam suisse inventionem novam, et inauditum dogma. Postremo, Optatum ab Augustino præcise voluisse et contendisse, ut unum horum definiret: utrum animæ ceteræ ex illo uno homine, sicut corpora per propagationem, an sine propagatione, sicut illius unius (scilicet Adie), a Creatore singulis singulæ fiant. Hic principia Optatianæ ad Augustinum epistole capita fuerunt, ad quæ summa modestia, judicio ac eruditione hic, ut infra liquebit, respondit.

V. Summa Augustiniane (quam secundam ad Optatum recte dicimus) epistole eo reddit, ut suam de origine animæ ignorantiam aperte ac demisse constitutus, nec certum quid in hac controversia quidquid visum fuerit Optato aliisque, statui posse autem; dum certa, perspicua, nullique fraudi obnoxia ex divinis Scripturis testimonia in medium afferantur, id quod a negantibus traducem hactenus haudquam præstatum sit. Ceterum, ad consultationem suam nullum aliquid ab Hieronymo responsum tulisse, neque se librum consultationis sue sine hoc evulbare audere: *Ne ille, inquit, qui mihi fortasse, ut desidero, responsurus est, interrogationem meam disputatione operosissima elaboratam, sine sua response que adhuc desperanda non est, per manus hominum notitiamque diffundi jure succenseat; idque jactantius quam utilius fecisse me judicet, quasi ego potuerim quarere quod ille non potuerit enodare, cum forsitan possit, idque dum facial exspectandum sit.* Ad calcem epistole Optatum, quantum potest admonet, ut quam cautissime, pelagianam hæresim devitel, cum de animalium origine sive cogitat, sive jam disputat; ne ipsi surripiat esse credendum, ullam prorsus animam, nisi unius mediatoris, non ex Adam trahere originale peccatum generatione devinctum, regeneratione solvendum.

VI. Haec tenus recensita omnia D. Augustini de origine animæ scripta typis jam in publicum prodierunt, si duas modo epistolas excipias, quas ultra primam typis jam vulgatam, Augustinum ad Optatum episcopum scripsisse discimus ex S. Fulgentio, qui lib. 3 de Veritate Prædestinat. et Grat., cap. 48, ita ait: *In tribus quoque epistolis, quas ad Optatum episcopum de hac quæstione composuit (Augustinus) disputatione resulget non minus copiosa quam profunda, et eo magis landubili, quia congrua tempore moderata.* Cum igitur aestate proxime clapsa pro Religiosis nostris junioribus in re litteraria ac antiquarum membranarum intelligentia melius ac solidius informandis, evocato in adjutorium ad monasterium nostrum R. P. Bernardo Pezio, viro pluribus jam titulis de re litteraria optime merito, ac tot jam doctis Operibus claro, omnes bi-

bliothecæ nostræ codices attentissime excuteremus, præter alia complura, que Deo proprio vitam largiente, cum orbe eruditio suo tempore communicabimus, feliciter quoque tanquam thesaurus in agro absconditus e tenebris eruta fuit secunda hac ad eundem Optatum Epistolam, que omnes viros doctos et eruditos huc usque latuit, et fortassis in solo (nisi vehementer fallimur) codice bibliothecæ nostræ Gottwicensis exstat. Exaratus is est in membranis sacculi minimum duodecimi in-folio (ut aiunt), et signatus nunc post instauratam bibliothecam nostram litt. G. N. 10.-Ex quo illustre hoc cimelium exprompsimus, et (ut quidem spes est) totius Ecclesie ac rei publicæ litterarie commido evulgandum duximus.

VII. In eodem porro codice post secundam ad Optatum Epistolam, superest nobis alia que inedita ejusdem Augustini ad Petrum et Abraham, quos Hipponeensis Præsul dominos dilectissimos et sanctos filios vocat, quos et audiuit sic instituisse vitam, qua Deo serviebant, ut ad legendum sua adversus Pelagianos Ethnicoque scripta vacarent. Ex quibus intelligimus, hunc Petrum et Abram vel monasticen coluisse, vel certe relicto seculari strepitu, privatam sacratoribusque pietatis studiis dicatam vitam ruri (ut illud avum ferebat) degisse. His, cum pluscula ex Augustino quæsiissent, rescripsit sanctissimus Doctor, pluribus opusculis suis, aut ad omnia, aut pene ad omnia se jam respondisse. Princeps vero quæstio Petri et Abrahami fuerat (ut ex responso Augustini appareret) utrum parvuli, qui nihil male vivendo addiderunt ad originale peccatum, si ante susceptum Baptismum decedant, a Deo condemnabuntur; id quod S. Augustinus tam in hac Epistola, quam alibi incunctanter constanterque affirmat. *Si enim parvuli, ait, cum baptizantur, non inanius dicitur, sed veraciter agitur, ut inter credentes habeantur, unde etiam nova proles ore Christianorum omnium nuncupantur; profecto si non crediderint, condemnabuntur; ac per hoc, quia nihil ipsa male vivendo addiderunt ad originale peccatum, potest eorum merito dici in illa damnatione minima pena, non tamen nulla.* Docet deinde vir summus, quidquid bonum per concupiscentiam seminatur, opus esse ut renascatur. *Quia, inquit, etsi de renatis parentibus nascitur, non potest huic præstare generatio carnalis, quod illis non præstiti nisi regeneratio spiritualis: sicut non solum de oleastri, sed etiam de olivæ semine non nascitur, nisi oleaster, quamvis olea non sit oleaster.*

Postremo tradit, quo modo et ratione cum Gentilibus, qui divinarum Scripturarum auctoritatem haudquam agnoscunt, agendum sit, ut ad fidem christianam recte feliciterque traducantur: ac denique largius disserit de famigeratissimo suo de Civitate Dei opere, cuius quartus decimus liber, inquit, si Dominus voluerit, enodatas habebit omnes, quas mihi propositus in restra epistola quæstiones.

Ex quibus una constat hanc Augustini Epistolam ante annum 420 exaratam suisse, cum librum derivatum quartum de Civitate Dei endem hoc anno edidit. Sed de his plura vide in Praefatione ad tomum vii editionis Benedictine Operum sancti Augustini. Nobis in hanc ineditarum haec tenus Augustini Epistolam bigam satis dissertatione videtur, tollendaque denum manus de tabula, ne, quod aiunt, prologus longior quam argumentum evadat. Id nullum adhuc monemus, hanc posteriorem S. Augustini Epistolam in nostro Gottwicensi codice inscribi de *Natura et Origine Animæ*, cum rectius inscribenda fuisset, de *Pœnis Parvulorum qui sine Baptismo decedunt*, quod et nos in hujus editionis fronte retinendum putavimus, tamen si haudquam nos lateat, quanta horum duorum articulorum vicinitas in præsenti controversia Augustini sit. Sed hoc tanti non est, ut eruditum et Augustinianarum Epistolarum cupidum Lectorem longius detineamus.

PRÆFATIO D. JACOBI MARTIN

IN EASDEM EPISTOLAS.

Quantum in Ecclesie, reique litteraræ commodum cedant dierum ac noctium evigilati emensique labores in evolutandis veteribus archivorum chartis, intimisque fororum recessibus indagandis ac perlustrandis, demonstranti hinc ista: Divi Augustini jamjam repertæ Epistolæ: horum enim duntaxat ope thesaurus, quem hodie in Gallia publici juris facimus, nobis defossus est. Qui quidem eo est habendus pretiosior, quod ab eo tempore quo celeberrima illa Benedictina Operum Augustinianorum editio Parisiis prodit, nulla nos spes tenebat Africani, imo Christiani orbis, Doctoris scripta alia reperiendi, quam ea que tunc temporis typis mandata sunt: enivero doctissimi Editores impigerrime desudarunt, cum ut Gallicanorum, Vaticanicorum, Belgicorum, Anglicanorum, aliquorunque undeque accersitorum, aut saltem propriis in locis pervolutorum codicum manuscriptorum copia, Augustinum ad pristinum nitorem restituerent, tum ut ejusdem eximii Præsulis lucubrations incidas, si que inventari possent, in lucem emitterent: cumque ea in re tantam navassent operam, quanta major vix esse posset, nihil nobis ad spem ostendebar, quo earum scriptorum jacturam resarciremus, quas a Doctore nostro elaboratas fuisse constanter scimus, queque tamen temporis invidia, aut bibliothecarum prefectorum incuria ad nos usque non pervenerunt.

Sed ecce, quod felix, faustum fortunatumque sit, Reverendissimus Dominus Godesfridus Besselinus, abbas Gottwicensis monasterii, dum immortalem sibi gloriari parat, non solum in ædibus incendio universo depastis in integrum resiliendis, sed etiam in junioribus monachis perque ad scientiam, atque ad regularem disciplinam probe instituendis, opportune Bernardum Pez in Germania clarissimum monachum ad se vocat, ut alumnis suis fastidium, quod in legendis vetustarum membranarum apicibus frequenter occurrit, levaret, minueretque. Cum autem Bernardus Pez sit, cui genus omne litterarum characterem pervium est, quique scripta quævis non ex opinione, sed ex veritate estimare apprime novit, ubi primum in codicem decimi tertii circiter saeculi, qui binas istas Epistolæ continebat, incidit, confessim marginarum reconditarum pretium deprehendit, doctissimoque Abbatii auctor est, ut eas brevi cum Ecclesia communicet: quod maturius certe actum est; nam anno proxime elapso (a) utraque Epistola prefatione diserta, variisque ornata magnificis cælaturis, Vindobonæ (Viennam vocant) typis manata est.

Verum celeritas istuc nostratisbus parum profuit; vix enim unum altercumve Epistolaram Augustinianarum exemplarum Germania ad nos enectum asportatumque est. Unde ansam consiliumque cepimus eas iterum prelo subjiciendi: et ne Gallia his se tantisper orbatam spoliatamque fuisse queratur, imo potius ut sic secum optime actum esse existimet, prouisum est ut Parisina nostra editio emendatior, ornatior, überiorque, prodeundo sustineret famam Parisinarum aliarum editionum quæ Patriam consecrant, quasque certatim nationes exteræ aut accersere aut imitari gestiunt, ambiuntque. Quapropter diu multumque excitata est animadversio et diligentia nostra, ipsæ Epistolæ frequentissime lectæ atque expensæ, quin etiam scriptura scriptureque vestigia ac ductus frequentissime a nobis expressa, atque, ut ita dicam, decocta et recocta sunt;

4° Ut exploratum compertumque habereimus, istas lucubrations non e spuria atque adulterina officina, sed ex genuino Augustini museo manasse. Qua in re cura omnis nostra brevi abjecta est, simulque summa

leititia affecti sumus; quippe utramque Epistolam non solum in Possidii Indiculo consignataam, sed etiam Epistolam ad Optatum a D. Fulgentio memoratam, plurimumque probatam fuisse invenimus.

2° Ut lectiones quasdam antiquarii festinatione, negligentia, osculantiva aut imperitia corruptas vitandasque, non quidem emendaremus (nefas enim duximus Gottwicensis codicis textum vel leviter immutare); sed ut genuinas lectiones meditatione atque animi exercitatione aliunde petitias auspicaremur, indeque ad infimam paginam indigitaremus; ut Epistolæ integras inoffenso pede decurrere liceret.

3° Ut sua cuique Epistole admonitio prævia instrueretur, ac utriusque Epistole summa in fronte affigeretur, nec non breviores notulae, quæ pro integrarum sectionum compendio essent, e regione concinnarentur.

4° Ut plurimos harum Epistoliarum locos cum aliis supparibus hinc inde collectis conferremus, quo Divi Præsulis mentem quivis posset faciliane expisciari.

5° Ut Epistolæ istas in capitulationes, capitulationes vero in varias sectiones, prout sensus rerumque argumentum postulabat, claritatis ergo multiplicaremus, distinguemusque, ac earumdem capitulationum et sectionum numericas notas in marginibus per ordinem distribueremus.

6° Ut quidquid difficile inter legendum occurreret, observationibus criticis, historicis, chronologicisque illustraremus, atque elucidaremus: quin etiam sicubi, a Magistris in his quæ ad rem nostram spectant, erratum est, moneremus, erroresque pro virili parte emendaremus.

7° Tandem ut omnia et singula sic componeremus instituemerimusque ut hinc istuc Epistole ex eliminata illa, et per celebri Benedictina officina exire viderentur: cam enim ob oculos semper habuimus, labore quoque nostrum ad ipsius normam direximus confecimusque. An suscepta opera e sententia successerit, viderint eruoit; ac si quid peccatum est, condonent: si vero quid boni offendunt, deincepsque D. Augustini Operum Collectioni e sudore nostro quid ornatus perfectionis credit, id omne vel in sanctissimum Episcopum, qui exercitationum nostrarum argumentum suppeditavit, aut potius in Deum optimum maximum refundant, a quo est omne datum optimum, et omne donum perfectum (Jacobi i, 17).

Quanti autem faciendus sit codex Gottwicensis, nedum e binis istis, quas solus suppeditat, Epistolæ appareat, verum etiam ex quatuor optimis variantibus lectionibus, quarum ope genuinus fragmenti Hieronymianæ septuagesimæ octavæ Epistolæ textus restituitur: omnes enim illas lectiones si ad diligentis critics regulas expenduntur, utraque manu excipiendæ sunt; ac proinde tum quid laudis manus ac solertia librarii mereatur, tum quam accuratus fuerit codex antiquus quo librarius ipse usus est, testantur. Nec sententia nostræ adversantur qui interdum occurrunt lapsus; ejusmodi enim errores sæpius casu, quam voluntate ac negligencia, sunt, ut peritissimi quique norunt.

Non hic prolixiori utemur oratione, ut Epistolis Augustini apud animos gratiamque hominum conciliemus; utramque enim sat superque commendat et argumenti dignitas, et modus tractandi res, et reconditæ doctrinæ copia, et præstantissimi Scriptoris nomen: ubique autem aut quid discas, aut quomodo discas, aut qui melior fias invenies. Porro si vulgarium auctiorum fragmenta tanto studio terra marique requiruntur, tanto labore colliguntur, ac tanto prelio comparantur atque asportantur; quanto majori ardore, animo, et voluntate ambae istæ, exque integræ complecundæ sunt, ab eximio illo Pastore cu-

(a) 1733.